



R.E.L. 01150177
C.I.F. P-1501700-G

DONA M^a LUISA DE LA RED AMPUDIA, SECRETARIA XERAL DO CONCELLO DE CAMBRE (A CORUÑA)

CERTIFICO:

Que o Pleno municipal, na súa sesión ordinaria do día trinta de novembro de douce mil dezaseis, adoptou, entre outros, o seguinte acordo:

“2. PARTE RESOLUTIVA

2.10. Proposta de ratificación da Declaración de María Pita, en relación coa constitución da Área metropolitana da Coruña

Vista a proposta de Alcaldía do día 21 de novembro de 2016 que consta do seguinte teor literal:

«Con data 20 de outubro de 2016, os alcaldes e alcaldesa dos Concellos da Coruña, Bergondo, Betanzos, Cambre, Culleredo, Oleiros e Sada, subscribiron a denominada "Declaración de María Pita" que literalmente se transcribe a continuación:

"Reunidos no pazo municipal da Coruña, o día 20 de outubro de 2016, os alcaldes e a alcaldesa que subscrimos o presente documento:

DECLARAMOS

As xuntanzas dos alcaldes e a alcaldesa da área metropolitana da Coruña, celebradas en xaneiro, marzo e abril de 2016 para impulsar os traballos para a construción dunha estratexia que afronte os retos máis relevantes da Coruña metropolitana, sobre a base da articulación de políticas públicas, presenta un significado especialmente singular polo que ten de xiro copernicano na orientación da resolución dos problemas que se nos presentan na contorna. Nestas reunións acordouse, en primeiro lugar, establecer os ámbitos de cooperación e complementariedade entre a estratexia de desenvolvemento urbano da cidade da Coruña e as desenvolvidas polo Consorcio ou a Mancomunidade de concellos da área metropolitana. En segundo lugar, acadouse un amplio consenso en relación á recuperación ambiental e da biodiversidade das rías e as súas contornas litorais. En terceiro lugar, impulsouse a coordinación das actuacións en políticas de desenvolvemento territorial, en especial aquelas que teñen que ver co planeamento urbanístico e cos servizos de transporte e mobilidade. En cuarto lugar, apostouse por proporcionar un enfoque metropolitano á xestión dos servizos públicos, formulándose unha proposta de obxectivos de acción mancomunada sobre a avaliación, a análise e, no seu caso, a adopción de medidas coordinadas a nivel de área metropolitana en relación con servizos de interese común, en especial os relativos ao ciclo ambiental da auga e á xestión e o tratamento dos residuos urbanos.

Neste contexto, a Mesa de Alcaldes e Alcaldesa impulsou un proceso de aproximación á cuestión da gobernanza metropolitana pola vía de xerar conxuntamente diagnósticos, iniciativas de planificación, xestión de servizos e accións de carácter supramunicipal e de rango metropolitano. Estamos así perante unha vía de construcción da área metropolitana a partir da construcción real de estratexias, clima, consensos e accións de carácter metropolitano, conxuntas e compartidas e baseadas na articulación das políticas públicas municipais.

Temos, pois, unha estratexia compartida e un obxectivo común: poñer o foco na xestión democrática

Documento asinado electronicamente. Pode comprobarse a súa autenticidade introducindo o CVD (código de validación) que figura á marxe do documento na sede electrónica municipal <https://sede.cambre.es>

Adro, 1-15660 CAMBRE (A CORUÑA) Telf. 981 613 128 Fax 981 675 969 E-mail: cambre@cambre.org www.cambre.org

das interdependencias na construción da área metropolitana, xestión cimentada no liderado representativo e participativo, na diplomacia urbana, no acompañamento dunha cidadanía activa e comprometida, na cooperación e na colaboración entre actores e axentes sociais e na cohesión arredor dun proxecto de futuro. É a maneira máis sensata de afrontar a crise na que estamos inmersos e lograr a reactivación da área metropolitana sobre obxectivos como:

- Mellorar a calidade de vida da cidadanía traballando para facer da Coruña metropolitana un lugar onde vivir, traballar e gozar dun lecer responsable.
- Promover o desenvolvemento dunha área urbana sostible, verde e azul, que faga un uso eficaz dos recursos, a través da xestión eficiente, do coñecemento do territorio e do funcionamento dos servizos urbanos.
- Construir unha economía local competitiva, equilibrada e redistributiva, favorecendo o desenvolvemento dun sector tecnolóxico innovador e apoiando a incorporación do resto dos sectores á nova economía dixital.
- Establecer a base tecnolóxica para poder avanzar, transformar e competir, garantindo o seu impacto, a súa sustentabilidade e a súa evolución futura cunha visión integradora, interoperable e aberta.

No esforzo compartido de elaborar unha estratexia integrada, con obxectivos e liñas de actuación claras, os alcaldes e a alcaldesa da área metropolitana da Coruña consideramos prioritarias algunas orientacións xerais:

- Ordenación e xestión urbanística coordinada e especializada na procura dun equilibrio territorial das actividades urbanas: usos residenciais e produtivos, dotacións e espazos libres e zonas verdes. Desenvolver, por tanto, estratexias de complementariedade e de descentralización da ocupación do territorio.
- Fortalecemento da vertebración, a accesibilidade e a conectividade interior e exterior da cidade e da súa contorna funcional metropolitana.
- Desenvolvemento dun plan estratégico de potenciación do porto exterior e do aeroporto, como sistemas coordinados de infraestruturas.
- Promover unha maior integración entre os municipios que conforman a área metropolitana.
- Coordinar a planificación urbanística e das infraestruturas de todos os municipios que conforman a área metropolitana da Coruña.
- Crear instrumentos específicos e flexibles para a xestión conxunta de servizos que afecten ao conxunto dos municipios e garantir a prestación de servizos públicos de calidade, accesibles e equitativos.
- Planificación e xestión da mobilidade metropolitana apostando polos medios de transporte público como forma de superación da conxestión actual no conxunto do sistema viario metropolitano e nos accesos á cidade da Coruña en particular, como elemento superador das evidentes incapacidades do sistema á hora de permitir a permeabilidade na comunicación en malla.
- Favorecer un espazo social único, capaz de aunar a diversidade e a identidade das xentes que viven na área metropolitana. Incrementar as relacións sociais e a creación de tecido social.



e comunitario na área metropolitana. Potenciar a participación cidadá e conformar un proceso de transformación das nosas administracións públicas en administracións de proximidade.

A diagnose, así como a estratexia e os obxectivos comúns, demandan tamén a súa concreción a nivel xurídico mediante a aprobación dunha Lei da Área Metropolitana da Coruña. Unha lei que defina a estrutura da área, a súa arquitectura institucional, de composición e funcionamento, así como do seu réxime competencial. Isto é, unha lei que determine os órganos de goberno e administración, o réxime económico e operativo, os servizos que debe prestar e as obras que debe realizar a área metropolitana, así como as potestades que se lle atribúan e a xusta distribución de cargas entre os concellos que a integran. Unha lei que asegure tamén a necesaria coordinación e cooperación coa Xunta de Galicia, incluída a garantía dun financiamento xusto e suficiente.

De conformidade co artigo 43 da Lei 7/1985, de bases do réxime local, determina a Lei 5/1997, de Administración local de Galicia, a natureza e o réxime xurídico das áreas metropolitanas, así como o relativo á súa creación, prevíndose no seu artigo 122.1 a iniciativa dos concellos interesados para a súa creación e, en consecuencia, para a súa posterior formulación e tramitación parlamentaria.

Por todo o exposto, os alcaldes e a alcaldesa subscrimos a presente declaración institucional, coa que propoñemos e coa que nos comprometemos a dar comezo decontado e a impulsar o proceso de conformación da Área Metropolitana da Coruña, para o que instamos ao Goberno da Xunta de Galicia e ao Parlamento Galego representado nos seus Grupos Parlamentarios a, unha vez designado aquel e constituídos estes respectivamente, iniciar de forma inmediata a formulación e posterior tramitación dun proxecto de Lei da Área Metropolitana da Coruña, previamente consensuado cos concellos respectivos e presidido polos principios do diálogo e a cooperación institucional, así como o de participación pública da cidadanía.

Unha vez ratificada polos Plenos dos concellos respectivos de conformidade co artigo 122 da Lei 5/1997 de Administración local de Galicia, esta declaración institucional será trasladada ao goberno da Xunta de Galicia, ao Parlamento de Galicia e aos Grupos Parlamentarios aos efectos de incoación e tramitación da iniciativa lexislativa.

En sinal de conformidade, asinamos na Coruña, o 20 de outubro de 2016.

O alcalde da Coruña
Asdo.: Xulio Ferreiro Baamonde

A alcaldesa de Bergondo
Asdo.: Alejandra Pérez Márquez

O alcalde de Betanzos
Asdo.: José Ramón García Vázquez

O alcalde de Cambre
Asdo.: Óscar García Patiño

O alcalde de Culleredo
Asdo.: Julio Sacristán de Diego

O alcalde de Oleiros
Asdo.: Ángel García Seoane

O alcalde de Sada
Asdo.: Óscar Benito Portela Fernández"

Visto o informe emitido pola secretaría xeral con data 21 de novembro do ano en curso.

Visto canto antecede, propoño ao pleno a adopción dos seguintes acordos:

Documento asinado electrónicamente. Pode comprobarse a súa autenticidade introducindo o CVD (código de validación) que figura á marxe do documento na sede electrónica municipal <https://sede.cambre.es>

Adro, 1-15660 CAMBRE (A CORUÑA) Telf. 981 613 128 Fax 981 675 969 E-mail: cambre@cambre.org www.cambre.org



Primeiro: Ratificar e prestar conformidade á Declaración de María Pita asinada polo alcalde en data 20 de outubro de 2016 e, en consecuencia, manifestar o apoio e respaldo do Pleno municipal de Cambre á constitución da Área Metropolitana da Coruña.

Segundo: Dar traslado do presente acordo á Alcaldía e Pleno municipal do Concello da Coruña, instando a este á adopción do acordo plenario ao que se refire o art. 122.1 da Lei 5/1997, do 22 de xullo, de Administración local de Galicia, na consideración de que corresponde ao dito Concello da Coruña dar comezo formal ao procedemento de constitución da Área Metropolitana.

Terceiro: Dar traslado do presente acordo aos Plenos municipais dos Concellos asinantes para o seu coñecemento e para os efectos oportunos.

Cuarto: Tal e como se fai constar na propia Declaración, dar traslado do presente acordo ao Goberno da Xunta de Galicia, ao Parlamento de Galicia e aos Grupos Parlamentarios para os efectos de incoación e tramitación da iniciativa lexislativa.»

Foi ditaminada favorablemente na sesión conjunta das Comisións Informativas Permanentes de data 23 de novembro de 2016, cos seguintes votos a prol:

- Comisión Informativa de Economía, Facenda, Seguridade Cidadá e Participación: votan a prol os dous concelleiros de UxC (don Óscar A. García Patiño e dona M^a Dolores Blanca García Fernández, titulares), a concelleira presente do PSdeG-PSOE (dona Josefa Vázquez Soto, titular), a concelleira de ACdC-SON (dona M^a Olga Santos López, titular) e o concelleiro do BNG (don Brais Cubeiro Fernández, titular). Abstéñense os dous concelleiros do PP (don Juan M^a Abalo Castex e dona Marta M^a Vázquez Golpe, titulares), a concelleira de C's, integrante do GM (dona M^a José García Hidalgo) e o concelleiro non adscrito (don Jesús Bao Bouzas).

- Comisión Informativa de Urbanismo, Obras, Medio Ambiente, Patrimonio e Desenvolvemento Socioeconómico: votan a prol os dous concelleiros de UxC (don Óscar A. García Patiño e don Juan González Leirós, titulares), o concelleiro presente do PSdeG-PSOE (don Juan Evaristo Rodríguez Vázquez, titular), o concelleiro de ACdC-SON (don Antonio Bruquetas Santos) e o concelleiro do BNG (don Brais Cubeiro Fernández, titular). Abstéñense os dous concelleiros do PP (dona Rocío Vila Díaz e don Manuel Rivas Caridad, titulares), a concelleira de C's, integrante do GM (dona M^a José García Hidalgo) e o concelleiro non adscrito (don Jesús Bao Bouzas).

- Comisión Informativa de Servizos, Xuventude, Cultura, Deportes, Recursos Humanos e Benestar Social: votan a prol os dous concelleiros de UxC (dona Elisa Pestonit Barreiros e don Ramón Boga Moscoso, titulares), os dous concelleiros do PSdeG-PSOE (dona Josefa Vázquez Soto, suplente, e don Juan Evaristo Rodríguez Vázquez, titular), o concelleiro de ACdC-SON (don Antonio Bruquetas Santos) e o concelleiro do BNG (don Daniel Carballada Rodríguez, titular). Abstéñense os dous concelleiros do PP (dona M^a Jesús González Roel e don Manuel M^a Mora Pita da Veiga, titulares), a concelleira de C's, integrante do GM (dona M^a José García Hidalgo) e o concelleiro non adscrito (don Jesús Bao Bouzas).

Sometido o asunto a votación ordinaria do Pleno, votan a prol os catro concelleiros presentes de UxC (don Juan González Leirós, dona Elisa Pestonit Barreiros, don Ramón Boga Moscoso e dona M^a Dolores Blanca García Fernández), os catro concelleiros do PSdeG-PSOE (dona Leonor Fernández Grande, dona M^a Jesús Gómez González, don Juan Evaristo Rodríguez Vázquez e dona Josefa Vázquez Soto), os dous concelleiros de ACdC-SON (dona M^a Olga Santos López e don Antonio Bruquetas Santos), os dous concelleiros do BNG (don Daniel Carballada Rodríguez e don

Documento asinado electrónicamente. Pode comprobarse a súa autenticidade introducindo o CVD (código de validación) que figura á marxe do documento na sede electrónica municipal <https://sede.cambre.es>



R.E.L. 01150177
C.I.F. P-1501700-G

Brais Cubeiro Fernández), a concelleira de C's, integrante do GM (dona M^a José García Hidalgo) e o concelleiro non adscrito (don Jesús Bao Bouzas). Abstéñense os seis concelleiros do PP (don Manuel Rivas Caridad, dona M^a Jesús González Roel, don Juan María Abalo Castex, dona Rocío Vila Díaz, don Manuel María Mora Pita da Veiga e dona Marta M^a Vázquez Golpe).

O Pleno municipal, por catorce votos a prol, cumpríndose coa maioría absoluta do número legal de membros da Corporación esixida no artigo 122.1 da Lei 5/1997, do 22 de xullo, de Administración local de Galicia e no artigo 47.2 h) da Lei 7/1985, do 2 de abril, reguladora das bases do réxime local, aprobou a proposta tal e como foi transcrita."

E para que conste e produza os oportunos efectos e coa salvidade e a reserva dos termos que resulten da aprobación da acta correspondente (artigo 206 do Real decreto 2568/1986, do 28 de novembro) asino esta certificación por orde e co visto e prace do Sr. alcalde don Óscar A. García Patiño.

Visto e prace
O alcalde

A secretaria xeral

Óscar A. García Patiño